

**Naalakkersuinikkut Ataqtigiissaarisooqatigiit ulloq 23 februar 2017-imi nal. 15.00 - 18.00 Hotel Hans Egedemi ataatsimiinnerannit imaqarniliaq.**

Naalakkersuisuniit peqataasut:

Naalakkersuisut Siulittaasuat, Kim Kielsen

Isumaginninnermut, Ilaqutariinnut, Naligiissitaanermut Inatsisinillu Atuutsitsinnermut Naalakkersuisoq Sara Olsvig

Aalisarnermut Piniarnermullu Naalakkersuisoq, Hans Enoksen

Aningaasaqarnermut Naalakkersuisoq Aqqaluaq B. Egede

Aatsitassanut Naalakkersuisoq aamma Kommuninut nunaqarfinnut Isorliunerusunut Attaveqatigiinnermut

Ineqarnermullu Naalakkersuisoq Múte B. Egede

Inuussutissarsiornermut, Suliffeqarnermut, Niuernermet Nunanullu Allanut Naalakkersuisoq, Vittus

Qujaukitsoq

Peqqissutsimut Naalakkersuisoq, Agathe Fontain

Ilinniartitaanermet, Kultureqarnermut, Ilisimatusarnermet Ilageeqarnermullu Naalakkersuisoq, Doris

Jakobsen

Namminiilivinnermet Pinngortitamut Avatangiisinut Nunalerineremullu Naalakkersuisoq Suka K. Frederiksen

Kommuninit KANUKOKA-miillu peqataasut:

Kommune Kujallermi borgmester Jørgen Wæver Johansen

Kommuneqarfik Sermersuumi borgmester Asii Chemnitz Narup

Qeqqata Kommuniani borgmester Hermann Berthelsen, oqarasuaatikkut

Qaasuitsup Kommuniani borgmester Ole Dorph

KANUKOKA-p siulittaasua, Simon Simonsen

Allaffeqarfimmit peqataasut:

Naalakkersuisoqarfiup pisortaa, Søren Hald Møller

Naalakkersuisoqarfiup pisortaa, Ruth Lindhardt

Naalakkersuisoqarfiup pisortaa, Nikolai S. Christensen

Naalakkersuisoqarfiup pisortaa, Jørn Skov Nielsen

Naalakkersuisoqarfiup pisortaa, Julie Præst Wilche

Naalakkersuisoqarfiup pisortaa, Jørgen Isak Olsen

Naalakkersuisoqarfiup pisortarigallagaa, Ella Skifte sinnerlugu immikkoortortaqarfiup pisortaa Kirsten

Fencker

Naalakkersuisoqarfiup pisortaa Lone Nukaaraq Møller

Immikkoortortaqarfiup pisortaa Martha Abelsen

Allaffiup pisortaa Marianne Petersen, imaqarniliortoq

Siunnersortaneq Peter Hansen, imaqarniliortoq

AC-fuldmægtig Marie Nydam Jensen, imaqarniliortoq

Kommunip pisortaanera Frank Hedegaard Jørgensen

Kommune Kujallermi aningaasaqarnermut pisortaq Kenneth Høeg

Kommune Kujallermi siunnersortit pisortaat Mikael Mikkelsen

Pisortaneq Lars Møller Sørensen

Kommunaldirektør Paneeraq Olsen oqarasuaatikkut

Kommunimi pisortaneq, Hans Eriksen

KANUKOKA-mi allaffissornermi pisortaq Jakob Møller Lyberth

Taaseqataasinnaanatik peqataasut:

Jens Kristian Therkelsen, KANUNUPE, oqarasuaatikkut

Jonathan Jakobsen, KANUNUPE, oqarasuaatikkut

## **Oqaluuserisassat:**

### **1. Oqaluuserisassat kingullermillu ataatsimiinnermit imaqarniliap akuersissutigineqarnerat**

Asii C. Narup-ip oqaluuserisassaaq 3.4-mut tunngatillugu oqaatigaa kukkusumik issuarneqarsimalluni tassami 2010-imi pisariillisaanissamut 10 mio. kr.-it kommuninit ilanngaatigineqarmata.

Jørgen W. Johansen-ip oqaluuserisassaaq 3.4-mut tunngatillugu oqaatigaa sanaartugassanut aningaasaliissutit kommuninut nuunneqartut allaffissornermullu aningaasaliissutit qanoq amerlatiginersut imaqarniliami aamma ersittariaqaraluartut.

Jørgen W. Johansen-ip aamma paaserusuppaa oqaluuserisassat aqqanillit kommunimit nassiunneqartut sooq immikkut oqaluuserisassanngortinneqaratik taamaallaalli oqaluuserisassap 1-ip ataanut inissinneqarsimanersut.

Kim Kielsen-ip Martha Abelsen qinnuigaa taanna oqaaseqarfigeqqullugu. Tamatumunnga pissutaavoq Kommuni Kujallermit oqaluuserisassatut nassiunneqartut ilaat oqaluuserisassat ullormut oqaluuserisassaneereersut allat ataannut inissinneqarsimammata allallu tamalaatut saqqummiukkumasani oqaluuserineqarsinnaammata taamaamat taakkua ullormut oqaluuserisassani 1-mut ilanngunneqarlutik. Aamma tamatumunnga tunngaviuvoq kommunimeersut oqaluuserisassat erseqqinnerusumik tunngavilersugaanatik qulequttatut isikkulerlugit nassiunneqarsimanerat.

Hermann Berthelsen-ip paaserusuppaa Namminersorlutik Oqartussat suliffeqarfiutaannik avammut nuussinissaaq pillugu suleqatigiissitap inassuteqaataa ullormut oqaluuserisassanit peerneqarsimanera iluoornersoq. Tamatuma saniatigut aamma paaserusuppaa oqallinnerup ullumikkut sumut killissimanera kiisalu sammeneqartoq suna pillugu peerneqarsimanersooq nassuiaasoqaqqullugu. Tamatumunnga uiggiullugu qinnuiginnippoq suliassaqaarfimmut atatillugu aalajangiussat allaganngorlugit saqqummiunneqassasut.

Tamanna pillugu Kim Kielsen nassuiaavoq suliffeqarfiit nuunneqartussatut toqqarneqarsimasut sisamat erseqqinnerusumik misissuiffigeqqissaarneqarnissaat pillugu suleqatigiissitaaq inassuteqarnissaminut piareersimasooq iluoomat. Pineqartut tassaapput Niuernermik Ilinniarfik, Saviminilerinermik Ilinniarfik, Eqqumiitsuliornermik Ilinniarfik aamma Isumaginninnermi Siunnersortinngorniat Ilinniarfiat. Naalakkersuisulli ippassaani ataatsimiinnermini aalajangerput misissuiffigeqqissaarinerit piffissaajaatiginiarnagit suliassat sivitsuukkaluttuinnaqqunagit. Taamatuttaaq aalajangiunneqarpoq suliffeqarfiit sisamat taakkua qaqugu nuunneqarnissaannik ulluliisoqassasooq. Taamaalliluni suliqaq Aningaasaqarnermut Akileraartarnermullu Naalakkersuisoqarfimmit kiisalu naalakkersuisoqarfimmi susassaqaartumit suliassaalissaaq. Taamaattumik ukioq maannangaaq 2018-imut Inatsisartut aningaasanut inatsisissaannut siunnersuummut aningaasanik immikkoortitsiniartoqassaaq. Tamatumunnga atatillugu kommuninik suleqateqarneq ingerlaannassaaq taakkua ilaatigut ataqatigiissaarineq pisariaqartoq qularnaartussaavaat tassungalu ilanngullugu ineqarniarneq meeqqeriviit il.il. pillugit apeqqutit erseqqissaateqartartussaallutik.

Suliffeqarfiit sisamat taakkua suleqatigiissitamit toqqarneqartut saniatigut suliffeqarfinnik allanik nuunneqarsinnaasunik piffissami aggersumi paasiniaasoqassaaq. Erseqqissaatigineqassaaq imaangimmat taakkua tamarmik nuunneqarsinnaassasut. Aningaasaqarnermut Akileraartarnermullu Naalakkersuisoqarfik Kim Kielsen-ip qinnuigaa suliama aqutsisuussasooq suliassaqaarfik inatsisissatut siunnersuutit piareersarneqarneranut ilaatinneqartussaammat.

Naalakkersuit aalajangigaasa paasineqarluarnissaat pillugu taakkua allaganngorlugit saqqummiunneqartarsinnaannginnersut kommunit sisamaasut tungaanniit ujartorneqarpoq. Piaartumik taamaaliortoqarnissaa Kim Kielsen-ip neriorsuutigaa.

Tamatuma kingorna ullormut oqaluuserisassat imaqarniliarlu allannguutitut allassimasut ilanngullugit Naalakkersuinikkut Ataqatigiissaarisooqatiginnit akuerineqarpoq.

#### **2.1. Atualersussanut meeqqallu atuarfiinut tunngasut nuunneqarnissaat kiisalu suliassanik ataatsimut nuussineq pillugu akuersissutissat**

Jørgen W. Johansen-ip kissaatigaa atuarfinnik sanaartornermi aningaasaliissutinik nuussinissamut tunngavissatut siunnersuutit allanngortinneqassasut. Taamatut kissaateqarnerminut tunngavigaa missingersuutinik sippuisimaneq erseqqissumik assersuutissaqarmat. Taamaalliluni Qaqortumi atuarfiliornissamut / atuarfiup allilernissaanut aningaasartuutissat 77 mio. kr.-nut

missingersorneqarsimagaluartut sanaartorneq 119 mio. kr.-it sinnilaarlugit akeqarsimavoq. Aamma Narsami atuarfiliornermi taamaattoqarpoq tassami Namminersorlutik Oqartussat 43,5 mio. kr.-nik missingersuusiorsimapput kommunilu qinnuigalugu sanaartorneq tigussagaat akisussaaffigilissagaallu. Tamatuma 59 mio. kr.-nik akeqarnissaa kommunip nammineerluni naatsorsorsimavaa. Sanaartornerli 77,8 mio. kr.-nik akeqarpoq. Taamaalilluni suliaq pineqartoq kommunimit akisussaaffigineqarsimagaluarpat kommuni 34,3 mio. kr.-nik aningaasartuuteqarnerusimasinnaagaluarpoq. Taamaattumik suliaqarfiup kommunimit tiguneqarnissaa eqqarsarnartoqartinneqarpoq aaqqiissuteqartoqarnissaalu kissaatigalugu.

Suliasaqarfik ataatsimiinnermut matumunnga inassuteqaatitalik kommunit sinnerisa tigorussuppaat taamaattorli ajornartorsiutip qaqinneqartup misissorneqarnissaanut suligasuartussamik taamaalillunilu ataatsimiinnissamut tullermut ajornartorsiummut pineqartumut aaqqiissutissamik siunnersuuteqartussamik suleqatigiissitaliortoqarnissaa akueralugu. Aningaasaqarnermut Akileraartarnermullu Naalakkersuisoqarfik suleqatigiissitami peqataassaaq. Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik suliamik ataqatigiissaarisuussaaq siuarsarneqarnissaanullu qularnaarisuussalluni kiisalu Naalakkersuinikkut Ataqatigiissaarisooqatigiit tulliani ataatsimiinnissaannut 31. maj pisussami aalajangiiffigisassamik tunngavissiuussalluni. Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisup oqaatigaa sapaatit akunnerata tulliani suleqatigiissitaliortoqassasoq. Inassuteqaatigineqartut allat suleqatigiissitamit aamma misissorneqarsinnaassapput.

### **Ineqarnermut tunngasut nuunneqarnissaanut inassuteqaat pillugu.**

Kommunimi inissiat 166-it nutarterneqarnissaannut immikkoortumut pilersaarutip akerlerineqarneranik imalimmik Kommuni Kujalleq Ineqarnermut Naalakkersuisumut allagaqarpoq. Saaffiginnissut ullumikkut Naalakkersuisumit akisuteqarfineqarpoq. Taanna isumaqarpoq immikkoortumut pilersaarut suliap ingerlateqqinnissaanut aammalu piffissami aggersumi isumaqatigiinniarnissamut sakkussaasoq. Taamaattumik suli inaarutaanngilaq.

Kommune Kujalleq ilisimatitsivoq Narsami pilersaarutit aarlerinartortaqartut tassami inissiat isaterneqartussat inissiallu sanaartugassat amerlassusaat nikingasorujussuummata. Inissaaleqinerup annertusinissaa kommunimit aarleqqutigineqarpoq.

Inassuteqaatit allakkiami oqaatigineqartut matuma kingorna akuerineqarput tassanilu ineqarnermut tunngasut piffissami aggersumi nuunneqarnissaannut atatillugu aningaasalersuinissaaq pingaernerup piumasaaqatiniq piviusorsioritunik naammaginatunillu tunngaveqartup nassaarinissaanut suliaqarneq ingerlanneqassaaq.

### **Utoqqarnut tunngasut killiffiannik ilisimatitsissut pillugu.**

Utoqqarnut tunngasut killiffiannik Sara Olsvig naatsumik ilisimatitsissuteqarpoq. Suliaq ingerlalluarpoq akisussaaffillu kommunimit tigujuartuaarneqalerpoq. Suliasaqarfimmik iluarsaasseqqinnermik suliaq aamma ingerlavoq suliasaqarfillu kommunimit tiguneqarpat utoqqarnik sullinnerup annertunerulernissaanut periarfissaqarlualissaaq.

Jørgen W. Johansen-ip oqaatigaa najukkani inuit "utoqqartut pineqartut" aammalu kommunini utoqqaat amerlassusiisa assiginningsorujussuunerat eqqumaffigineqartariaqartoq. Suliasat taama ittut nuunneqarnissaannut atatillugu kisitsisit (Nalileriaatsit) atorineqarnissaat siunnersuutigaa.

#### **3.1. Nuttarsinnaanermut Aningaasaateqarfiup siunertai kingunerisinnaasaalu pillugit nalorninartullit**

Naalakkersuinikkut Ataqatigiissaarisooqatigiit ajornartorsiut oqaluuserimmagu ajornartorsiummut qaqinneqartumut atatillugu naalakkersuisoqarfiit pineqartut kommunillu oqaloqatigiillutik aaqqiissutissatut siunnersuusiusasut isumaqatigiissutigineqarpoq. Vittus Qujaukitsoq tamatumunnga ataqatigiissaarisuussaaq.

#### **3.2. AK-isumaqatigiissut pillugu KANUKOKA´p siulersuisuinit saaffiginnissut.**

Ajornartorsiut Naalakkersuinikkut Ataqatigiissaarisooqatigiit oqaluuseraa ullumikkullu suleriaatsip allangortinneqarnissaanut tunngavissarsisoqanngilaq. Aalajangerneqarpoq tulliani ataatsimiinnissamut suliasaqarfiup suleriaasia pillugu kaammattuutaasinnaasunillu allakkiortoqassasoq. Tamatuma suliarinissaa Aningaasaqarnermut Akileraartarnermullu Naalakkersuisoqarfiup akisussaaffigaa.

### **4. Ilisimatitsissutit**

- 4.1. 2018-imi ataatsimut tapiissutissat pillugit isumaqatigiissutissap suliarinera pillugu ilisimatitsissut (AN)
- 4.2. Najugaqarfiiit mikinerusut ineriartorneri pillugit Nuummi isumasioqatigiinnissaq pillugu ilisimatitsissut (KNIAIN, ISIIN)
- 4.3. Isumaginninnermut Aqutsisoqarfiup Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut Naalackersuisoqarfimmiittup killiffia pillugu ilisimatitsissut (INIIAN).
- 4.4. Isumaginninnermut tunngatillugu suliniutit pillugit ilisimatitsineq (INIIAN)
- 4.5. Nuuk City Development pillugu ilisimatitsineq (Kommuneqarfik Sermersooq)
- 4.6. Nuup avataani sulisussarsiorarneq sulisooreersunillu tigumminiinnarniartarneq pillugu ilisimatitsissut (Kommuneqarfik Sermersooq)
- 4.7. Tasiilami ataatsimoorluni suliniutit pillugit Peqqinnissamut Naalackersuisoqarfiup Kommuneqarfik Sermersullu akornanni isumaqatigiissutigineqarsimasut killiiffii (Kommuneqarfik Sermersooq aamma IKIIN)
- 4.8. Inuussutissarsiornermut tunngasumik ilisimatitsissut (ISIIN)
- 4.9. Suliffeqarnermut suliniutit pillugit ilisimatitsissut (ISIIN)
- 4.10. Tasiilaq inuussutissarsiornermut suliffeqarnermullu siliniutit immikkut ittut pillugit ilisimatitsissut (ISIIN)

Ilisimatitsissutigineqartunut oqaaseqaatigineqartut.

4.1-imut. Allakkiq Aningaasaqarnermut Akileraartarnermullu Naalackersuisoqarfimmit nassiuuneqartoq tapersorsorluarneqarpoq tassunga ilanngullugu 2018-imi ataatsimut tapiissutissat pillugit isumaqatigiissutissat Kanukoka kommunillu peqatigalugit inassutigineqartutut piaartumik aallartinneqarnissaat Simon Siomonsen-ip tapersorsorpaa.

4.2-imut. Jørgen W. Johansen najugaqarfiiit mikinerusut pillugit ataatsimeersuarnissaq Nuummi pinnani najugaqarfiiit mikinerusut ilaanni ingerlanneqassasoq kaammattuivoq. Hermann Berthelsen siunnersuummut tapersiilluni ilassuteqarpoq hotelini inissinnissaq ajornartorsiutaappat Sarfaq Ittuk attartorlugu angalasoqarsinnaasoq siunnersuutigalugu. Tassunga uiggiullugu peqataasut Sarfaq Ittumut ilaallutik Kapisilinnut Nuup kangerluaniittumut tikeraarsinnaanerit Jonathan Jakobsen-ip siunnersuutigaa.

Jens Kristian Therkelsen oqarpoq ataatsimeersuortoqarnissaa nuannaarutigalugu. Ataatsimeersuarnerup sumi pinissaa pingaarnerusorinngilaa taamaattorli ataatsimeersuarneq torersumik ingerlanneqarlunilu aningaasaliissutit pitsaasumik atorneqassasut. Ilisimatitsivoq nunaqarfimmiut peqatigiiffiat Nuummi ataatsimiikkajuttartoq taamaalillutillu pisortaqarfiiit assigiinngitsut suleqatillu illiua`tungerisat naapinnissaannut periarfissaqartarlutik.

Oqaaserineqartut Kim Kielsen-ip tusaatissatut tiguai kaammattuutigalugulu ataatsimiinnissaq pilersaarutaareersutut Nuummi pissasoq.

4.4-imut. Suliffeqarnerup imminut akilersinnaanera pillugu innuttaasorpassuarnit ullumikkut apeqqutigineqartarnera ernumanartoqartillugu A sii C. Narup-ip oqaatigaa.

Meeqqat inuusuttuaqqallu ajornartorsiutaat pissutsillu tusagassiuutini oqaluuserineqartut pillugit (oqaluuserisassatut 4-tut) kommunit nassiuussaat Jørgen W. Johansen-ip innersuussutigaa. Tusagassiuutit avaqqullugit suleqatigiittoqarnissaanik kaammattuuteqarpoq.

Asiip oqaaseqaataanut ilassutitut Sara Olsvig oqarpoq ajornartorsiut taanna naalackersuisoqarfimmi iluarsiniarneqartoq. Tamatuma saniatigut tusagassiuutit avaqqullugit oqaloqatigiilluartoqarsinnaanerit Jørgen W. Johansen-ip oqarnera isumaqatigaa.

4.5-imut. Jørgen W. Johansen sulilluartoqarnissaanik kissaassivoq oqaatigaluguli sinerissami innuttaasut illoqarfissuup innuttaasulli aamma pineqarusummata. Taarsigassarsisinnanermut qularnaveeqqusiisinnanermullu il.il. tamanut assigiimmik sinaakkusiisoqarnissaa kaammattuutigaa taamaalillutik kommunit assigiimmik ineriartornissaannut periarfissaqalissamat.

A sii C. Narup oqarpoq aningaasaleeqataassutissat pillugit suliaq maanna ingerlanneqartoq (OPP- aningaasalersueriaaseq) annertoorujussuusoq aammalu Namminersorlutillu Oqartussanit sukannersorujussuarmik malittarisassaqaartitsisut aamma akiitsunik isumakkeerinnittarneq eqqarsaatigalugu. Soqutigineqarpat kommuninik allanik suleqateqarneq pillugu ilisimatitsissutinik misilittakkanillu Sermersooq agguasserusuppoq.

Aqqaluaq B. Egede-p oqaatigaa nunami kommunit tamarmik ineriartornissaannut aningaasaliissuteqarnissamut sinaakktissat naleqquttut qularnaarniarlugit Aningaasaqarnermut Akileraartarnermullu Naalakkersuisoqarfik suliaqartoq, tassunga ilanngullugu periarfissanut nutaanut Naalakkersuisoqarfik ammasoq tamatumalu saniatigut taarsigassarsisarneq pillugu inatsisit 1993-imeersoq ullutsinnut naleqqukkunnaarsimasoq naleqqussarusullugu.

Oqaluuserisaq naggaserlugu Kim Kielsen erseqqissaavoq suliap tamatuma pilertornerusumik ingerlannissaa Naalakkersuisunit isumagineqassasoq taamaalilluni nuna tamakkerlugu ineriartortitsinissamut periarfissaqalissammat.

4.7-imut. Qitiusumit suliniummik aamma aallartitsisoqarnera taamaalillunilu ataatsimoortumik kivitisoqarsinnaanera pillugu Asiip Naalakkersuisut qutsavigai. Oqaluuserisamut tassunga ilanngussanik kommuni nassiussissasoq ilisimatitsivoq. Tamatuma saniatigut nakkutilliinermik sulinerup ilaatigut kingunerigaa qanoq iliuseqarnissamik pilersaarutinik nutaanik suliaqartoqalernera ilisimatitsissutigaa. Suliamik sullissisut ataasiakkaat sulianik qanoq amerlatigisunik suliaqartarnissaat pillugu Isumaginninnermut, Ilaqutariinnermut Naligiissitaanermullu Naalakkersuisoqarfiup kommunillu oqaloqatigiissutigaa.

Isumaginninnermi siunnersortit suliaasa amerlanerpaaffilerneqarnissaat pillugu nalunaarussiaq naammassineqaqqammerpoq Naalakkersuisunullu ilisimatitsissutigineqareertoq Sara Olsvig-ip ilisimatitsissutigaa. Tulliuuttoq tassaalerpoq nalunaarussiaq Inatsisartunut kommuninullu nassiunneqarnissaa. Ilisimatitsivoq Danmarkimi suliat amerlanerpaajugaangamik 25-35-iusartut Kalaallit Nunaannili isumaginninnermi sullissisut agguaqatigiissillugu suliaasat 80-it tungaanoortut suliarisinnaasaraat.

Jørgen W. Johansen qinnuiginnippoq amerlanerpaaffiliineq taamaattoq eqqunneqassappat tamatuma kommuninut annertuumik aningaasartuutaalersinnaanera eqqumaffigineqassasoq.

4.8-mut. Jørgen W. Johansen oqaatigaa aallarnisaanermut tunngassuteqartunut aamma ingerlatseqatigiiffinnut siunnersuinnermut tunngatillugu kommunit oqaluuserisaannut uiggiullugu Namminersorlutik Oqartussat Greenland Businessip nunap immikkoortuinut inissinnissaa imaluunniit nuunneqarnissaa eqqarsaatigisariaqaraat. Taamaalilluni susassaqarfimmu Naalakkersuisut anguniagaat pitsaasut nunap immikkoortuini iluaqutigineqarsinnaammata. Tamatuma saniatigut siulersuisuni angutit arnallu assigiinnerusumik agguataarnissaat kaammattuutigaa.

Siunnersuut Kim Kielsen-ip pitsaasumik tiguaa kommunillu isummersuinissaannik kaammattorlugit.

4.9-mut. Sinneruttunik allanik inuusuttunillu sullissinnermi anguniakkat pillugit saqqummiussanut Jørgen W. Johansen qujavoo. Aamma Narsarsuaq pillugu qanoq pilersaaruteqartoqarnera apeqqutigaa? Assersuutigalugu Narsarsuarmi periarfissat avatangiisillu pitsaasut atorluarneqaraluarpata inuusuttorpassuit suliaasaqarluarsinnaagaluarput.

Jørgen W. Johansen-ip Múte B. Egede kaammattorpaa aatsitassarsiorfiit minnerpaat pingasut 100-t ataallugit sulisullit pillugit nalunaaruteqarnini itisileeqqullugu.

Tunngaviusut sisamat aatsitassalerineq ilaalluni piiaaffiginissaannut akuerineqareersut imaaliinnarlugit unitsinneqarsinnaanngitsut Kim Kielsen nassuiaavoq. Eqqaamaneqartariaqarpormi suliffissaaleqisut tuusintit arlaqartut sinnerneqarsimasut aamma qiviartariaqarmata taamaammallu aatsitassarsiornermut tunngasuni suliniutit angisuut aallartinneqarnissaat pisariaqarluni.

Múte B. Egede oqarpoq eqimattakkuutaarluni sulinnermi tamanna oqaluuserineqarmat tusagassiortunit tigulaariffigalugu saqqummiunneqarsimasoq. Sulineq uninnaviangilaq aammalu aarlerinissamut tunngavissaqarani.

Oqaatigineqarpoq Jørgen W. Johansenimit Narsarsuaq pillugu siunnersuut pilersaarutinut ilanngunneqassasoq.

### **Tamalaat tullianilu ataatsimiinnissaq (siunnersuut: 31 maj 2017 najugaqarfiit mikinerusut pillugit isumasioqatigiinnerup kinguninngua)**

Simon Simonsen ilisimatitsivoq Maniitsumi allattoqarfik Rådhusimi ingerlalersimasoq. Jakob Møller Lyberth allaffiup pisortaatut atorfinitsinneqarpoq Kirsten Teera Grønvold allatsitut atorfinitsinneqartoq. Sulisut allat pingasut qanittukkut atorfinitsinneqarnissaat neriuutaavoq.

Aalisarnermut Naalakkersuisoq (napparsimanini pillugu ataatsimeeqataangitsoq) Qaasuitsup Kommunianut tikeraarnissaanik Ole Dorhp-ip kaammattorpaa. Camp Century pillugu ilisimatitsissutinik kommuni ujartuivoq. Tamatuma saniatigut peqatigiiffiit kattuffiillu naalakkersuinikkut attuumassuteqanngitsut (NGO-t) arlallissuarnit imaqarfinnik eqqissimatitsisoqarnissaa kissaatigineqarpoq apeqqutilli taakkua pillugit eqqarsaatersornermi kommuni aamma peqataatinneqarsimanngilaq.

Jørgen W. Johansen-ip oqaatigaa A-akilersuutit pillugit ajornartorsiut kommunip arlaleriarluni qaqtarsimagaluarai. Akiitsut kommuninut artukkiipput. Kommuninut akiitsut 67 procentii A-akilersuutinangaanneersuupput. Aningaasartuutit taakkua kommunimit aningaasartuutaasariaqarnersut aperivoq erseqqissaatigalugulu aningaasat meeqqanut allanut imaluunniit inissialionermut atorneqarsinnaasut.

Naalakkersuinikkut Ataqtigiissaarisogatigiit suleriaasiat pingaarnertut aalajangiiffiusartunngorlugu allannngortinneqarnissaa Hermann Berthelsen-ip siunnersuutigaa.

Illua´tungerisanik tusarniaanermi isumaqtigiissut sapaatit akunneri tallimaasut Simon Simonsen-ip eqqaasissutigivaa. Arlalitsigut tusarniaanermi akissuteqarnissamut KANUKOKA-p ullualuinnarnik piffissaqartitaasarnera misigisarsimavaa.

Camp Century pillugu Vittus Qujaukitsoq aamma Suka Frederiksen allakkiornissaannik qinnuigai. Ataatsimiinneq naggaserlugu Borgmesteriujunnaalersut suleqtigiilluarsimanermut qutsavigai. Tamatuma saniatigut qinigarpassuit qinigaaffimmi matumani unittussat qutsavigai qineqqusaartorpasullu aprillimi qineqqusaarluarnissaannik kissaallugit.

Ataqtigiissaarisogatigiit tulliani 31. maj ataatsimeeqqissapput.

Naammassivoq 17:40.